

# Dangumaanu

Contes soninké  
niveau 2



Banjugu S. Daraame  
Muxutaari Silla

Sooninkanxannen yillandaanon sappa

Site Web: [www.asawan.org](http://www.asawan.org)

Adresse e-mail: [ets@asawan.org](mailto:ets@asawan.org)



SIL Mali

Orthographe du soninké du Mali



Illustrations: © 2009 SIL International,  
International Illustrations, The Art of  
Reading, 3.0

Edition provisoire, avril 2013,  
révisée avril 2014

© SIL Mali, 2013, 2014  
B.P. 2232, Bamako, République du Mali


# Laxabure do Nogome

Koota yogo, Laxabure daga yaala  
gunnen di. A da gunnen su yaala.  
A dullinten ri ware Nallenme  
yogo kanma yigene lanballaqen  
ŋa. Gelli suxuba, Laxabure do  
Nallenme wa me yi.




Bire be a ga da Nallenme kari, a  
da a tiyen su yiga.  
A saagante, a da Nogome  
saxunten wari koccen kanma.  
Laxabure ti : « Nke ma giri na  
anken ya kari saasa ! Nxa baasi  
nta a di, n faayi dagana, n  
yillanten wa an niini yere. »

A yillante, a da Nogome ni sikki.  
A ti : « Moriya, an gan faxa setu  
koran ŋa, n ni an kanbunu! »




## Laxabure do Sugundige

Koota yogo, Laxabure daga yaala.  
A killen liŋo. A yige ma a ga wa  
fakka. A yillante, a do Sugundige  
gemu. I da me kuuji. Laxabure ti :  
« An na tonjunu sikki ko saasa,  
ken falle in wa an karini. »  
A ti : « Laxabure, nke gan na a tu




ti o wa genme ke kille, n nta riini.»  
A ti, tonjun ya ni !  
A ti : « An ga na daga a ko ti an do  
Sugundige gemu, nxa an da a  
wara. I wa tiini gaaren ya ni. »  
A ti : « Laxabure, an ga wa noqu  
be saasa, dulle nta an ɳa. »  
Laxabure ti, tonju ! A soyi.  
A ti: « Daga, laayidun xoten ya  
ni. O sarati ke ya yi. »



## Kanjaane do Laxabure

Kanjaane do Laxabure daga  
kuunindi Laxabure kallunkan di.  
Bire be i ga kijne no, kallu yugon ri  
tigan kini i ya nan ti i nan  
bisimilla. Laxabure ga na tiga be  
kanbu, a na ken korome kafu  
Kanjaane xallun ɳa.



Laxabure kallu yugon ga ri taaxu,  
a ti : « Yugo, an menjanje ke wa  
tigan mulla de ! »

Kanjaane ti: « An na inke ya  
xallen tu, an kallu yugo be ga wa  
na a do i koromen kanbu xa! »

Ken ya ni, hadamarenmen ga  
goto moxo wo moxo, sere wa no  
ken ga nan gotonta an ña.

